

15. oktober 2013

EM 2013/70  
Per Berthelsen

**Maani nunami ilinniartitsisunngorniartarnerup qaffasissusaa nunani killerni ilinniartitsisunngorniartarnerup qaffasissusaanut assersuunneqarsinnaanersoq paasinialugu Naalackersuisut misissueqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Misissuinermut ilanngunneqasapput ullumikkumut naleqqiullugu ilinniartitsisunngortarnerup qanoq pitsaanerulersinnaaneranut innersuussutit.**

(Inatsisartunut ilaasortaq Andreas Uldum, Demokraterne)

Ilinniartitaaneq, ilinniartitaaneq sulilu ilinniartitaaneq.

Tamanna uagut politikerit inuiaqatigiinnut suaarutigisarpaput ineriartorneq, atugarissaarneq aningaasaqarnerlu pillugit oqallikkaangatta.

Tamakku eqqarsaatigalugit, siunnersuuteqartup ilinniartitaaneq pineqartillugu pingaarutilimmik qaqilerivoq, tassalu ilinniartitaanitta qaffasissusaannik annertusaanissaq, taamaalilluta unammillersinnaanerput piginnaasavullu nukittorsarneqasinnaaqqullugit – uanilu siunnersuummi ilinniartitsisunngorniartarneq aallartitsissutiginiarneqarpoq.

Ajuusaarutigalugumi nassuerutigisariaqarpaput ilinniartitaanitta qaffasissusaa ataatsimut isigalugu, nunanut nalinginnaasumik sanillersuuttakkatsinnut naleqqiullugu kinguussaaqqammat.

Tamakkulu aallaavigalugit siunnersuteqarup pitsanngorsaatinik siunnersuuteqarnissaq siunertaralugu Naalackersuisut ilinniartitsisunngorniarluni ilinniartitaanermik misissueqqissaarnissamik peqquneqarnissaat siunniuppaa. Siunnersuullu una ukiut ingerlaneranni ilinniartitaanernut allanut siaruarsinnaasoq naatsorsuutigineqarsinnaavoq.

Ilinniartitaanermut, Ilageeqarnermut, Kulturimut Nalingiisitaanermullu Naalackersuisuisoq akissueteqaammuni suliniutinik assigiinngitsunik, ilaatigut misissueqqissaarnernik aammalu ilinniartitsisut ilinniartinneqartarnerisa patajaallisarnissaannik imaqartunik, Naalackersuisullu Ilinniartitaaneq pillugu pilersaarutaasa aappaanni, 2014-imi Inatsisartunut saqqummiunneqartussami taakku ilanngunneqarnissaat saqqummiuppaa.

Siumumilli naggasiullugu siunnerssut ataatsip misissueqqissaanermut ilanngunneqarnissaa saqqummiukkumavarput, tassalu ilinniartitsisunngorniarluni ilinniartitaanerup ilagisaa-ta, sulilluni misiliisarnerup sivitsorneqarsinnaanerata pitsaaqutaanik naliliinermik ilanngus-sinissaq.

Siumummi isumaa naapertorlugu ilinniartitaanerup nalaani meeqqanik toqqaannartumik ulluinnarni peqateqartarneq sivitsorneqarpat, tamanna ilinniartitsisutut sulinerup ingerlanneqarnerata patajaallisarneqassaaq.

Taammammat Siumup Naalakkersuisut siunnersuutip taama isikkoqarluni itigartinneqar-  
nissaanik innersuussutaa taperserpaa, isumarpummi naapertorlugu suliap aallartereersup  
aallartarneqarnissaa pillugu peqqusisoqarnissaa paatsoornermik kinguneqarsinnaavoq.